



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

De ijs quæ Zosimus scripsit de Cgrysargyro & Constantino imperatore.
Cap. XL.

urn:nbn:de:hbz:466:1-12718

rant, essent igne penitus absumptæ. Atque cum illi non simulatione vlla, sed verè & ex animo factum ideo deplorarent, quod inde iniusta iniquaque merces ipsis suppetere consueuerat, & similiter cū Athanasio tributum nō posse restitui affirmarent, hortari atque adeo orare cœpit, vt omnibus modis peruestigare pergerent, si forte possent ex omnibus tabulis, quæ in singulis locis reseruatae essent, elicere totius tributi exigendi rationē. Itaque singulis summam pecuniæ, quam in tabulis colligendis consumerēt, misit: imperauit que vt quæque Scheda, quæ ad huius rei declarationem faceret, quocumque in loco inueniretur, ad ipsum apportaretur: quod accurata consideratione, & valde exquisita hæc res de nouo sarciri, & in integrum restitui posset. Postea verò quæ aliquo temporis spatio interiecto, reuertissent hi, quibus datū fuisset negocium, Anastasius gestire lætitia & gaudio exultare visus est. Nam lætabatur admodum, quod ea, de quibus tantū laborauerat, reuera iam esset consecutus. Rogat, qua ratione tabulas repperissent, & apud quos, & si quid apud quæquam quod ad tale institutum faceret, etiamnum reliquum esset. Cū autē illi multos se labores in illis in vnum cogendis collocasse asseuerarent, iuraretque per ipsum imperatorem nullam iam Schedam in tota rep. Romana remanere, quæ tributi rationem posset ostendere, rursus magnum rogū incendi, Schedasque apportatas, in eo cōburi, & cineres aqua oppleri obruique iubet: eo quidē animo & consilio, vt tributi illius ratio ita penitus deleretur, vt nec fauilla, nec cinis, nec vllum denique literæ ex schedis iam combustis vestigiū appareret. Verū ne dum Anastasij factum in hoc tributo tollendo tanta laude efferimus, ignorare videamur, quæ de eo veteres suis indulgentes affectibus tradiderint, deinceps ea ponemus in medio, & ex rebus ab illis ipsis cōmemoratis perspicue falsa ostendemus.

De ijs quæ Zosimus scripsit de Chrysargyro & Constantino imperatore.

Cap. XL.

Zosimus vnus eorū quī nefariæ & execrabilī Gētiliū religioni dediti sunt, iracūdia propterea cōtra Cōstantinū inflāmatu, & primus ex imperatoribus, dete-

Mm 2 stabili

111
 stabili Gentilium superstitione relicta, religionem Christianam amplexatus est, narrat tributum, quod Chrysfargyrum dicitur, ab eo primum excogitatum, sancitumq; ut ad quartum quēque annum illud idē pensitaretur. Alijs item infinitis maledictis piū & magnificum Constantinum lacerat. Nam ait eū cum alia nonnulla mala cōtra homines cuiusq; fortunæ & conditionis inuenisse, tū Crispū filium miserandum in modum occidisse, tum Faustam coniugem in balneum extra modum exardescens conclusam, è medio sustulisse. Et cum de tam nefandis cædibus à suis sacerdotibus expiari laboraret, minimeq; quod volebat, consequeretur, (illos enim plane respōdisse, eas nō posse expiari) forte in Aegyptium qui ex Iberia venerat, incidisse, & persuasum ab eo fidem Christiani hominis, vim habere peccati cuiusque tollendi, ea ex animo amplexatum, quæ Aegyptius ipsi tradiderat. Deinde patrio de religione instituto relicto, impietatem, ut iste prædicat, sectari aggressum esse. Quod autem ista omnino falsa sint, mox ostendam: interim ista de Chrysfargyro dicta sint.

*intelligit
sacerdoti
bus simu
lachrorū*

Inuectiua in Zosimum propter nephariam eius in Constantinum & Christianos maledicentiam.

Caput XLI.

TV dæmon scelerate & crudelis ajs Constātinum, cum Urbem Romæ parem exstruere constitueret, primum in agro Troadis & Ilij, amplam & illustrem civitatem condere aggreditur: atque fundamentis iactis, muroq; in sublime erecto, vbi Byzātium locum ad eam rem commodiorem repperit, Sic sepsit moenibus, sic urbem antiquam amplificavit, sic splendore illustravit ædificiorum, ut Roma, quæ pedetentim, multorum annorum spatio, creverat, non multo videretur inferior. Dicis præterea eū populo Byzantij frumenti congiarium tribuisse: & magnam vim auri his, qui Byzantium commigrabant, ad ædes sibi extruendas largitum. Addis quoque (tuis enim verbis utar) summam rerū, ad Constantium, Constantino iam patre mortuo, mortuis etiam fratribus, rediisse: & Constantium, cum Magnentius & Britannio tyrannidem occuparent,